

重校刊歐陽文忠公全集序



賜同進士出身迪功郎行人司行人後學銅任陳珊撰

江西左使春谷汪君偕右使笠江
潘君少叅樂湖王君立菴張君以
中丞五山陳公侍御初泉吳公命
致於陳子曰惟江右文獻巨區惟

全集序

文忠公一代宗匠惟茲會城無專
刻是誠缺典子弭節江藩日懷靡
及校而傳之固咨詢之餘業亦脩
飾之遐軌也子毋辭陳子唯唯旣
數日五山初泉二公復委重焉陳
子辭弗獲爰取吉刻而閱之竊日

夜之力浹月而卒業舉其全則集無遺帙也究其大則帙無遺篇也盡其微則篇無遺言也重出而少異者刪之互存而獨優者取之訛者正之缺者補之功若可已矣於稽其類則先後錯雜篇什靡倫因病夫編次者之重於改舊略於師心而漫無所取裁也於是列區別之規審萃會之義首族譜重本源也次年譜重復歷也藝文惟賦為古而以近體詩賦先之重應制也矧寓規諫其義可則也次古詩次

律詩次詩餘本歷代文體之先後也次論策經旨見公稽古之力焉次表狀劄議見公立朝之節經世之猷焉序記銘誌文之大者故次於奏議書詳而簡略或以議事或以達情故次於銘誌集古錄跋見

公之游藝也歸田雜著其類非一見公雖優游猷畝而博聞強識俛焉日有孜孜也公之文盡於是矣迺若詔冊雜制則臣子代言之體似非公所得專又賜妃嬪賜宗室賜臣工率溷淆無紀予為之條分

縷析各從其類禱祠以效祝通好
以息爭自漢以來則然矣特附於
後焉制詞謚誥公之生榮也祭奠
銘誌公之死哀也國史有傳事蹟
有錄公之完名全節也故以是終
焉蓋予於是而有以窺見公之大

者矣則為序之曰自聖學失傳而
仁義之途塞使學者皆知遵孔氏
崇仁義則孟子沒而得韓愈公之
學推愈以接孟氏其論誠是也然
苟不求其願學孟氏之心而徒擬
議於言語文字之末則其所以仰

公者不過謂其為六大家而已矣
噫公之可仰獨文乎哉予嘗求公
之心無所往而不為仁義之心也
而史臣記公謂其以獎進賢才為
已任必極其力而後已公之心見
矣力也者心之用也不極其力而

已者心之未盡也公平生所為豈
惟薦賢為然其大者表孤於朝經
理其家公之仁形於篤友也臨民
斷獄多從平恕是無所往而不為
仁矣直道而行屢遭貶斥公之義
見於持已也及居大位不改其操

是無所往而不為義矣孟子曰人皆有所不忍達之於其所忍仁也皆有所不為達之於其所為義也此公所以願學孟氏之心也公嘗自言脩於身矣不見於言可也公之志益可驗矣而世之以大家

目公者將指賈誼之堂相如之室乎抑將指其為安宅正路而不疑乎嗟乎予於公之文旣竭心思矣非徒盡心於公之文也乃所以自盡其心也是集之出庶有以成陳吳二公尚友之義嘉惠之仁於歐

陽子之心先後一揆焉而珊也尸
素之愆亦庶幾其可免矣舊集一
百五十三卷附錄六卷子為總之
得一百三十五卷先是春谷擢尹
京兆行過家復遺書來促署篆樂
湖君時亦過從討論以贊於成繼
左轄者鍾陽馬君也及梓而鍾陽
適至經理允賴之固斯集之幸矣
因并識其歲月云

嘉靖三十四年歲在乙卯春三月
戊申日

歐陽文忠公全集序

海虞程君繇刑部員外郎擢知吉安府事八閱月適丁仲秋上旬行祀典畢乃以俸市特牲分祀郡之諸賢實肇舉也明旦諸賢子孫咸詣謝乃諗于衆曰文忠公之文章可見者惟六一居士集板行四方全集則未之見若獲一覩誠為至願於是胡文穆公子永肅持其家藏

全集序

內閣明本以獻君既得觀之喜甚遂捐堂食資購板募工刊宣郡庠之藏書閣期與四方共且屬教授鄭鋼正其字之訛請勗言序諸後夫文忠公之政事與宋韓范富三公並稱文章則匹休於唐昌黎伯也豈末學之所敢評蓋昌黎伯之文起八代之衰文忠公則變乎五季習也故元揭文安公謂其正天下之宗明先王之道者為得其要勗豈容喙於其間

哉第全集之行將天下士君子有志於學古
者寧不欣然有感皆以公之文章政事自期
待豈非程君之惠乎予故不以衰薄辭撫述
其槩如此君名宗字源伊嘗以詩經中辛未
柯潛榜進士云

天順辛巳長至日

賜同進士出身中憲大夫山東按察副使致仕
郡後學彭勗謹序

全集序

二



歐陽文忠公全集序

歐陽文忠公廬陵人也廬陵舊有公全集本既而收上

內府而天下遂不復得是全集又矣海虞程君宗自秋官知府事之明年廣求之而得于胡文穆公家蓋內出本也亟命工翻刻于郡橫適予使交南至廬陵其郡博鄭鋼首進而請曰使廬陵文獻足徵而使天下復有是集者太守功也

全集序

願一言序其首予峻拒之弗獲至再不能行乃憮然有問曰士非文章之難也而以文章救世爲難商楹旣奠齊轅不返而苟韓黃老之術起斯道遂亡于秦鑿于漢而靡于隋唐矣豈復知有七篇仁義之說哉幸而韓愈氏出慨然以斯道爲已任其文章足以革弊而拯溺嘗曰軻之死不得其傳焉則亦隱然自任其傳矣後又變而爲五季衰陋之習雖宋興七十有餘年而學

者亦未易遽復于古一旦歐陽子出以文章道
德爲宗師若范仲淹之貶于饒也一時名士目
爲黨人公在諫院爲朋黨論以獻群言遂息不
然黨錮之禍成矣嘉祐學者爭尚恠僻爲奇文
體大壞公知貢舉黜險恠而錄雅正士初喧然
騰謗其後百五六年文格遂變而復古不然弊
將若何而止哉此所謂文章必以救世爲難也
雖然當是之時倡而和者韓有柳宗元歐陽有

蘇氏父子其他李翱皇甫湜張籍之流曾鞏尹
洙張文潛秦少游之輩聲振而氣從金春而玉
應文非不美也而較其救世之功則若列星之
有五行衆山之於五岳其功化發育呈露蓋自
有不侔者宜其崛起於千百載之前而並耀於
千百載之後而渺焉未有能繼之者匹夫而爲
百世師一言而爲天下法蓋唯二公有焉是集
之行程君嘉惠後學亦至云失使善學者誦其文

而知能以身任國家安危之計其用舍爲世所
重輕進不知富貴爲樂而退不忘天下以爲心
然後爲無媿也夫豈徒以文體變其所習而已
天順六年壬午五月廿四日翰林侍讀學士奉
直大夫後學雲間錢溥謹書于螺川驛



全集序

三

歐陽文忠公集自汴京江浙閩蜀皆有之前輩嘗言公作文揭之壁間朝夕改定今觀手寫秋聲賦凡數本劉原父手帖亦至再三而用字往往不同故別本尤多後世傳錄既廣又或以意輕改殆至訛謬不可讀廬陵所刊抑又甚焉卷帙叢脞略無統紀私竊病之久欲訂正而患寡陋未能也會郡人孫謙益老於儒學刻意斯文承直郎丁朝佐博覽群書尤長考證於是徧搜

歐陽文忠公集序

舊本傍采先賢文集與鄉貢進士曾三異等互加編校起紹熙辛亥春迄慶元丙辰夏成一百五十三卷別爲附錄五卷可繕寫模印惟居士集經公決擇篇目素定而參校衆本有增損其辭至百字者有移易後章爲前章者皆已附注其下如正統論吉州學記瀧岡阡表又迥然不同則收寘外集自餘去取因革粗有據依或不必存而存之各爲之說列於卷末以釋後人之

惑第首尾浩博隨得隨刻歲月差互標注抵牾
所不能免其視舊本則有間矣旣以補鄉邦之
闕亦使學者據舊鑒新思公所以增損移易則
雖與公生不同時殆將如升堂避席親承指授
或因是稍悟爲文之法此區區本意也六月己
巳前進士周必大謹書

居士集序

門人翰林學士承旨左朝奉郎知制誥兼侍讀蘇軾撰
夫言有大而非夸達者信之衆人疑焉孔子曰天之
將喪斯文也後死者不得與於斯文也孟子曰禹抑
洪水孔子作春秋而予距楊墨蓋以是配禹也文章
之得喪何與於天而禹之功與天地並孔子孟子以
空言配之不巳夸乎自春秋作而亂臣賊子懼孟子
之言行而楊墨之道廢天下以爲是二字一固然而
不知其功孟子旣沒有申商韓非之學違道而趨利
殘民以厚生其說至陋也而士以是罔其上上之人

歐文居士集序

僥倖一切之功靡然從之而世無大人先生如孔子
孟子者推其本末權其禍福之輕重以救其惑故其
學遂行秦以是喪天下陵夷至於勝廣劉項之禍死
者十八九天下蕭然洪水之患蓋不至此也方秦之
未得志也使復有一孟子則申韓爲空言作於其心
害於其事作於其事害於其政者必不至若是烈也
使楊墨得志於天下其禍豈減於申韓哉由此言之
雖以孟子配禹可也太史公曰蓋公言黃老賈誼晁
錯明申韓錯不足道也而誼亦爲之予以是知邪說
之移人雖豪傑之士有不免者况衆人乎自漢以來

道術不出於孔氏而亂天下者多矣晉以老莊亡梁以佛亡莫或正之五百餘年而後得韓愈學者以愈配孟子蓋庶幾焉愈之後三百有餘年而後得歐陽子其學推韓愈孟子以達於孔子著禮樂仁義之實以合於大道其言簡而明信而通引物連類折之於至理以服人心故天下翕然師尊之自歐陽子之存世之不說者譁而攻之能折困其身而不能屈其言士無賢不肖不謀而同曰歐陽子今之韓愈也宋興七十餘年民不知兵富而教之至天聖景祐極矣而斯文終有愧於古士亦因陋守舊論卑而氣弱自歐

歐文居士集序

二

陽子出天下爭自濯磨以通經學古為高以救時行道為賢以犯顏納說為忠長育成就至嘉祐末號稱多士歐陽子之功為多嗚呼此豈人力也哉非天其孰能使之歐陽子沒十有餘年士始為新學以佛老之似亂周孔之實識者憂之賴天子明聖詔修取士法風厲學者專治孔氏黜異端然後風俗一變考論師友淵源所自復知誦習歐陽子之書子得其詩文七百六十六篇於其子棊乃次而論之曰歐陽子論大道似韓愈論事似陸贄記事似司馬遷詩賦似李白此非子言也天下之言也歐陽子諱修字永叔旣

老自謂六一居士云元祐六年六月十五日叙續本
年十二月是時任翰林學士

不知其功一作其功不可納說一作納諫

此非子私字有言也天下之公字有言也歐陽子諱脩字

永叔既老自謂一作號六一居士云及眉州本皆無歐

陽子下六月十五日序有兩碑本其六月作三

故此作叙

歐文居士集序

甲子年九月



像讚

像讚

賢哉文忠直道大節知進知退既明且哲陸贄議論韓愈文章李杜歌詩公無不長當世大儒邦家之光

霜空無雲秋天澄霧昭然政通何勞鐘虜儼然望之希世一遇萬邦方春逢坡益注

宋李端叔

惟我昭陵公乃得升天下無朋國有魏公公乃得容不朋以忠風波既散高山獨見小人是嘆昔賢在是寧論厥似聞其

百世

宋晁悅之

卷第一

譜二

卷第二

應制近體賦十一首

雜著七十首

卷第三

賦九首

雜文十首

卷第四

歐文忠公全集總目

古詩三十八首

卷第五

古詩二十首

卷第六

古詩三十一首

卷第七

古詩二十四首

卷第八

古詩一十八首

卷第九

古詩二十五首

卷第十

古詩二十二首

卷第十一

古詩十九首

卷第十二

古詩三十首

卷第十三

古詩二十七首

卷第十四

歐愈公集總目

古詩三十首

卷第十五

古詩三十九首

卷第十六

樂府七首

古詩四十首

卷第十七

律詩六十首

卷第十八

律詩五十七首

卷第十九

律詩五十六首

卷第二十

律詩五十五首

卷第二十一

律詩六十五首

卷第二十二

律詩五十八首

卷第二十三

律詩七十三首

歐憲公集總目

卷第二十四

律詩七十二首

卷第二十五

致語二首

詩餘八十一首

卷第二十六

詩餘一百首

卷第二十七

論三首

或問一首

解一首

卷第二十八

論六首

卷第二十九

論五首

雜文三首

卷第三十

策問

卷第三十一

策問

一 歐愈全集總目

卷第三十二

經旨二十首

論辨問三首

卷第三十三

易童子問三十七章

卷第三十四

崇文總目二十九

卷第三十五

上皇帝書二首

卷第三十六

濮議二首

卷第三十七

濮議十三首

卷第三十八

奏對論議

卷第三十九

表狀劄子二十三首

卷第四十

表狀劄子三十首

卷第四十一

歐忠齋集總目

奏表劄子二十二首

卷第四十二

劄子表狀三十四首

卷第四十三

劄子表狀三十首

卷第四十四

奏議諫院進九首

卷第四十五

奏議諫院進十八首

卷第四十六

奏議諫院進一十八首

卷第四十七

奏議諫院進二十首

卷第四十八

奏議諫院進十一首

卷第四十九

奏議諫院進九首

卷第五十

奏議諫院進十一首

卷第五十一

歐忠公集總目

奏議銓部進六首

卷第五十二

奏議翰苑進五首

卷第五十三

奏議翰苑進一十二首

卷第五十四

奏議翰苑進一十四首

卷第五十五

奏議翰苑進一十二首

卷第五十六

奏議樞府進八首

卷第五十七

奏議政府進八首

卷第五十八

河東奉使奏草二十二首

卷第五十九

河東奉使奏草一十七首

卷第六十

河北奉使奏草二十九首

卷第六十一

歐憲奏總

河北奉使奏草一十四首

卷第六十二

序七首

卷第六十三

序九首

卷第六十四

序八首

卷第六十五

序六首

傳二首

卷第六十六

序一十二首

說一首

卷第六十七

序二首

卷第六十八

記十首

卷第六十九

記八首

卷第七十

歐憲公集總目

記二十一首

卷第七十一

行狀二首

卷第七十二

墓誌一十一首

卷第七十三

墓誌五首

卷第七十四

墓誌七首

卷第七十五

墓誌五首

卷第七十六

墓誌三首

碣一首

卷第七十七

墓誌七首

碣一首

卷第七十八

墓誌一十七首

卷第七十九

墓誌六首

歐憲公集總目

九

卷第八十

墓誌四首

卷第八十一

墓誌五首

卷第八十二

墓誌三首

卷第八十三

墓誌四首

卷第八十四

墓誌六首

卷第八十五

碑銘三首

卷第八十六

碑銘四首

卷第八十七

碑銘三首

卷第八十八

碑銘二首

贊一首

歐文忠公集總目

卷第八十九

墓表八首

卷第九十

墓表六首

卷第九十一

祭文二十首

卷第九十二

祭文二十三首

卷第九十三

書八首

卷第九十四

書八首

卷第九十五

書七首

卷第九十六

書二十七首

卷第九十七

啓三十八首

卷第九十八

書啓五十九首

歐文忠公集總目

卷第九十九

簡五十一首

卷第一百

簡六十一首

卷第一百一

簡四十八首

卷第一百二

簡四十首

卷第一百三

簡六十三首

卷第一百四

簡四十六首

卷第一百五

簡四十八首

卷第一百六

簡三十六首

卷第一百七

簡五十三首

卷第一百八

簡二十二首

歐意公集總目

卷第一百九

跋

卷第一百十

集古錄跋

卷第一百十一

集古錄跋

卷第一百十二

集古錄跋

卷第一百十三

集古錄跋

卷第一百十四

集古錄跋

卷第一百十五

集古錄跋

卷第一百十六

集古錄跋

卷第一百十七

集古錄跋

卷第一百十八

集古錄跋

歐忠公集總目

卷第一百十九

歸田錄

卷第一百二十

歸田錄

卷第一百二十一

詩話

卷第一百二十二

筆說

卷第一百二十三

譜

卷第一 百二十四

志記雜紀

卷第一 百二十五

詔冊雜制三十八首

卷第一 百二十六

外制勅詔四十九首

卷第一 百二十七

制五十首

卷第一 百二十八

制六十五首

歐文忠公集總目

卷第一 百二十九

制勅口宣

卷第一 百三十

制勅口宣詔文七十首

卷第一 百三十一

齋文詞疏

卷第一 百三十二

賜外夷詔書口宣

卷第一 百三十三

制詞謚誥

卷第一百三十四

附錄墓誌銘神道銘祭文

卷第一百三十五

附錄本傳事蹟

歐陽文忠公全集總目

歐文忠公全集總目

十五

歐陽文忠公全集卷一

譜二

族譜圖序

譜圖

年譜

族譜圖序

石本

歐陽氏之先本出於夏禹之苗裔自帝少康封其庶子於會稽使守禹祀歷夏商周以世相傳至于允常子曰句踐是爲越王越王句踐傳五世至王無疆爲楚威王所滅其諸族子分散爭立皆受封於楚而無

歐文忠公族譜卷

一

凡用寫
字公訂

疆之子蹄封於烏程歐餘山之陽爲歐陽亭侯其後子孫遂以爲氏當漢之初有仕爲涿郡太守者子孫遂居于北或居青州之千乘或居冀州之渤海千乘之顯者曰生字和伯爲漢博士以經名家所謂歐陽尚書者是也渤海之顯者曰建字堅石所謂渤海赫赫歐陽堅石者是也建遇趙王倫之亂見殺其兄子質以其族南奔居于長沙其七世孫曰景達仕于齊不顯至其孫頽頽子紇仕于陳紇子詢詢子通仕于唐四世有聞遂顯自通三世生琮爲吉州刺史子孫因家于吉州自琮八世生萬又爲吉州安福令其後



世或居安福或居廬陵或居吉水而脩之皇祖始居沙溪至和二年分吉水置永豐縣而沙溪分屬永豐今譜雖著廬陵而實爲吉州永豐人也蓋自亭侯蹄因封命氏自別於越其後子孫散亡不可悉紀其可紀者千乘渤海而已千乘之族自生傳八世至歛子復無後世絕經不傳家其他子孫亦皆微弱遂不復見而渤海之後獨見于今然中間失其世次者再蓋自質奔長沙至于景達七世而始見自琮至于安福府君又八世而始見其後遂不絕安福府君之九世孫曰脩當皇祐至和之間以其家之舊譜問于族人各得其所藏諸本以考正其同異列其世次爲譜圖一篇自景達以後始得其次叙

歐文忠公墓誌

二

譜圖

景達

生子

僧寶

生子

頽

生子

紇

生子

詢

亮

德

器

胤

約

生子

盛闕

邃闕

詢

肅
子生一

倫
闕

通
子生二

幼朋
子生一

昶
子生一

琮 璟

幼讓
闕

自琮已下譜亡至其八世孫曰萬始復見于譜

萬
生一子某生一

稚
子生二

效
子生三

謨

託

遠

歐文忠公族譜卷一

楚
生三子二名七

某 戊

託
子生三

鄂
闕

榔
子生八

俊
子生一

翔
子生一

葛

伸
子生一

宏
子生二

至

起

儀
子生四

猛
子生二

麗

綬

谷
子生二

煥

歐文忠公族譜卷一

寬子生五

炳

曦

曄

晃

曉

煦

鑒

需

曉

藹

四

端子無

觀子生二

躬

脩

旦子生二

宗古

宗道

宗顏

宗閔

宗孟

暹

凱

素子生三

需

載子生一

鑒

亓子生一

素子生三

需

信子生二

端子無

躬

偃子生二

旦子生二

宗古

曄子生三

宗顏

佺子生一

翦子生三

暹

勲

羽無子

傲生三子

穎生二子

景

顛生一子
名亡

頊生一子
名亡

邦闕

惟歐陽氏自得姓以來子孫衆多而譜隨親疎宜有詳略其上世遠而支分疎者事或具於史或各見其家譜今自吉州府君而下具列如左

歐憲族譜卷

五

吉州府君諱琮葬袁州之萍鄉而子孫始家于吉州當唐之末黃巢攻陷州縣府君率州人扞賊鄉里賴以保全至今人稱其德

安福府君諱萬事迹闕

處士諱雅字正言高年不仕德行稱於鄉里夫人龍氏

韶陽府君諱效字德嗣爲韶州韶陽王簿夫人周氏

處士諱託字達明隱德不仕鄉里稱之凡民有爭決之官府者後多復訴訟有從處士平其曲直者遂不

復爭夫人三氏

令公府君諱柳字可封仕南唐爲武昌令吉州軍事
衙推官至檢校右散騎常侍兼御史大夫性至孝兄
弟相友愛有紫芝一莖兩葩生於楹鄉人以爲孝德
所感爲著賦頌享年九十有四葬歐桂里橫溪保之
鸞湖夫人劉氏府君累贈金紫光祿大夫太師中書
令夫人累封楚國太夫人

屯田府君諱俊

第三十六

仕南唐爲洪州屯田院判官享

年五十七葬栗源夫人李氏

處士諱伸

第三十七

守道不仕享年七十有三葬滁陂夫

人蕭氏

歐忠族譜一

六

郭翥

屯田府君諱儀

第三十八

字象之仕南唐舉進士及第官

至屯田郎中府君之登進士第也父母皆在鄉里榮

之乃改廬陵之文霸鄉安德里爲儒林鄉歐桂里其

所居履順坊爲具慶坊享年五十有五葬官山夫人

王氏

處士諱佐

第三十九

守道不仕夫人王氏張氏

靜江府君諱信

第四十

仕南唐爲靜江軍團練使

據宋

撰安福太君墓志列序八子官封云信爲靜
江軍團練使兼憲秩南唐官品疑與今異

享年二

十有五葬曾家庄夫人郭氏

令公府君諱偃第四十一少以文學著稱南唐恥從進士

舉乃詣文理院上書獻其書為文十餘萬言召詰焉
南京街院判官享年三十八葬吉水之回陂夫人李
氏府君累贈金紫光祿大夫太師中書令兼尚書令
夫人累封吳國太夫人

處士諱佺第四晦迹不仕享年四十有七葬東田夫
人陸氏

工部府君諱倣第十三仕皇朝為許田令葬奉新累贈

工部侍郎夫人李氏

處士諱翔事迹闕

處士諱宏事迹闕

歐陽文忠公集卷一

七

處士諱猛葬馬家坑夫人鄭氏

水部府君諱答為筠州團練副使官至檢校水部員

外郎葬傅家坑夫人王氏

封州府君諱寬為封州司理參軍葬早禾坑夫人邊

氏

工部府君諱載字則之淳化三年進士及第歐陽氏

自江南歸朝以進士登科者自府君始為人方重寡

言直宗皇帝嘗自擇御史府君以祕書丞拜監察御

史後知泗州毀龜山佛寺誅妖僧數十人為政清廉

簡靜所至官舍不窺園圃至果爛墮地家人無敢拾

者官至尚書工部郎中享年六十有八夫人金壇縣
涪米氏

處士諱素事迹闕

處士諱端事迹闕

崇公諱觀字仲賓事具瀧岡阡表享年五十有九葬
吉水沙溪之瀧岡累贈金紫光祿大夫太師中書令
兼尚書令追封崇國公夫人彭城郡大君鄭氏累封
魏國太夫人享年七十有二祔葬瀧岡

處士諱旦隱德不任事母以孝爲鄉里所稱葬烏龜
塘夫人彭氏

歐忠公族譜卷

八

兵部府君諱曄字日華咸平三年進士及第官至都
官員外郎歷知桂陽監端黃末三州所至有能稱尤
長於決疑獄所得俸祿分養孤遺其兄之子脩少孤
教之如己子享年七十有九葬安州應城之彭樂村
夫人福昌縣君范氏其後兄子脩者以參知政事遇
今上登極恩贈府君兵部員外郎

處士諱翦事迹闕

處士諱羽事迹闕

職方府君諱頴字孝叔咸平三年進士及第官至尚
書職方郎中歷知高安州兼知開饒八州爲政務

嚴明有威惠以本官分司享年七十有三家于荆南
遂塋焉夫人廣陵縣君曾氏

奉職府君諱顥為三班奉職

殿直府君諱頊為右班殿直

歐陽文忠公年譜

真宗景德四年丁未

是歲皇考鄭國公觀為綿州軍事推官六月二十

一日寅時公生

大中祥符元年戊申公年二歲

歐文忠公集卷五十一

大中祥符二年巳酉公年三歲

大中祥符三年庚戌公年四歲

大中祥符四年辛亥公年五歲

是歲塋鄭公于吉州吉水縣瀧岡其後至和元年
併吉水縣之報

恩鎮置求豐
縣遂隸未豐

大中祥符五年壬子公年六歲

大中祥符六年癸丑公年七歲

大中祥符七年甲寅公年八歲

大中祥符八年乙卯公年九歲

大中祥符九年丙辰公年十歲

公在隨家益貧借書抄誦州南大姓李氏子好學
公多遊其家於故書中得唐韓昌黎文六卷乞以
歸讀而愛之爲詩賦下筆如成人都官曰奇童也
他日必有重名

天禧元年丁巳公年十一

天禧二年戊午公年十二

天禧三年己未公年十三

天禧四年庚申公年十四

天禧五年辛酉公年十五

乾興元年壬戌公年十六

歐忠公金譜

二月仁宗卽位

仁宗天聖元年癸亥公年十七

是歲公應舉隨州試左氏失之誣論其畧云石言
于晉神降于莘內蚘鬪而外蚘傷新鬼大而故鬼
小人已傳誦坐賦逸官韻黜

天聖二年甲子公年十八

天聖三年乙丑公年十九

天聖四年丙寅公年二十

是歲公自隨州薦名禮部

天聖五年丁卯公年二十一

是春試禮部不中

天聖六年戊辰公年二十二

是歲公攜文謁胥學士偃於漢陽胥公大奇之留置門下冬攜公泛江如京師

天聖七年己巳公年二十三

是春公從胥在京師試國子監爲第一補廣文館生秋赴國學解試又第一

天聖八年庚午公年二十四

正月試禮部翰林學士晏公殊知貢舉公復爲第一三月御試崇政殿公甲科第十四名五月授將

歐文忠公集

三

仕郎試秘書省校書郎充西京留守推官

天聖九年辛未公年二十五

三月公至西京錢文僖公惟演爲留守幕府多名士與尹洙師魯梅堯臣聖俞尤善日爲古文歌詩遂以文章名冠天下初胥公許以女妻公是歲親迎于東武

明道元年壬申公年二十六

是春及秋兩遊嵩嶽秋盡從通判謝絳奉御香告廟也禮畢同遊五人皆見峭壁大書神清之洞

詳見

照錄後謝希深公又嘗行縣視旱蝗

明道二年癸酉公年二十七

正月以吏事如京師因省叔父于漢東三月還維
夫人胥氏卒時生子未踰月九月莊獻劉后莊懿
李后祔葬定陸公至鞏縣陪祭十二月進階承奉
郎

景祐元年甲戌公年二十八

三月西京秩滿歸襄城五月如京師會前留守王
文康公嚳入樞府薦召試學士院閏六月乙酉授
宣德郎試大理評事兼監察御史充鎮南軍節度
掌書記館閣校勘三館秘閣所藏書多脫謬七月

歐忠公年譜

四

甲辰詔委官編定做開元四部著爲總目公預焉
是歲再娶諫議大夫楊公大雅女

景祐二年乙亥公年二十九

是歲七月公同產妹之夫張龜正死于襄城謁告
視之九月夫人楊氏卒

景祐三年丙子公年三十

是歲天章閣待制權知開封府范仲淹言事忤宰
相落職知饒州公切責司諫高若訥若訥以其書
聞五月戊戌降爲峽州夷陵縣令公自京師沿汴
絕淮泝江奉母夫人赴貶所十月至夷陵

景祐四年丁丑公年三十一

三月謁告至許昌娶薛簡肅公奎女是夏叔父都官卒九月還夷陵十二月壬辰移光化軍乾德縣

令

寶元元年戊寅十一月改元公年三十二

三月赴乾德是歲胥夫人所生子天

寶元二年己卯公年三十三

二月知制誥謝希深絳出守鄧州梅聖俞將宰襄城與希深偕行五月公謁告往會留旬日而還六月甲申復舊官權武成軍節度判官廳公事公自

歐憲公年譜

五

乾德奉母夫人特次於南陽冬暫如襄城

康定元年庚辰二月改元公年三十四

是春赴滑州時范文正公起爲陝西經略招討安撫使辟公掌書記辭不就六月辛亥召還復充館閣校勘仍脩崇文總目十月轉太子中允癸巳同脩禮書是歲子發生

慶曆元年辛巳公年三十五

五月庚戌權同知太常禮院以見脩崇文總目辭

許之八月乙酉許州對公事回依舊供職十一月

丙寅祀南郊攝太常博士引終獻十二月加騎都

尉巳丑崇文總目成改集賢校理

慶曆二年壬午公年三十六

正月丁巳考試別頭舉人三月丙辰御試進士應天以實不以文賦公擬進一首賜勅書獎諭四月丙子復差同知禮院契丹遣汎使求關南地宰相呂夷簡薦富弼報聘人皆危之公上書引顏真卿使李希烈事乞留弼不報五月復應詔上書極陳弊事八月請外九月通判滑州十月至

慶曆三年癸未公年三十七

是歲仁宗廣言路脩政事人多薦公宜爲臺諫三

歐憲公年譜

六

月召還癸巳轉太常丞知諫院四月至京九月戊辰賜緋衣銀魚巳巳同詳定國朝勲臣名次丙戌同脩三朝典故十月戊申擢同脩起居注十二月巳亥召試知制誥公辭辛丑有旨不試直以右正言知制誥仍供諫職丁未同詳定編勅是月立春祭西太一宮爲獻官尋例賜紫章服

慶曆四年甲申公年三十八

三月庚午兼判登聞檢院四月乙未押伴契丹賀生辰人使御筵於都亭驛巳亥命公使河東計度廢麟州及盜鑄鐵錢并罷課虧額利害七月還京

師八月甲午保州軍叛契丹聲言討西夏癸卯除
公龍圖閣直學士河北都轉運按察使九月三朝
典故成書以公嘗預編纂賜詔獎諭十一月南郊
恩進階朝散大夫封信都縣開國子食邑五百戶
慶曆五年乙酉公年三十九

是春真定帥田况移秦州公權府事者三月時二
府杜正獻范文正韓忠獻富文忠公以黨論相繼
去公上書辨之小人素已憾公會公孤甥張氏犯
法諫官錢明逸因以財產事及公下闕封鞫治府
尹楊日嚴觀望傳會上命戶部判官蘇安世入內
供奉官王昭明監勘得無他八月甲戌猶落籠圖
閣直學士罷都轉運按察使降知制誥知滁州十
月甲戌至邵是歲子奕生

慶曆六年丙戌公年四十

公在滁自號醉翁

慶曆七年丁亥公年四十一

十二月以南郊恩加上騎都尉進封開國伯加食
邑三百戶是歲子棐生

慶曆八年戊子公年四十二

閏正月乙卯轉起居舍人依舊知制誥徙知揚州

二月庚寅至郡

皇祐元年己丑公年四十三

正月丙午移知潁州二月丙子至郡樂西湖之勝將卜居焉四月丙戌轉禮部郎中八月辛未復龍圖閣直學士是歲子辯生

皇祐二年庚寅公年四十四

七月丙戌改知應天府兼南京留守司事己酉至府十月己未明堂覃恩轉吏部郎中加輕車都尉是歲約梅聖俞買田於潁

皇祐三年辛卯公年四十五

歐忠公年譜

八

皇祐四年壬辰公年四十六

三月壬戌丁母夫人憂歸潁州四月起復舊官公固辭八月許之

皇祐五年癸巳公年四十七

八月自潁州護母喪歸葬吉州之瀧岡胥楊二夫人祔焉是冬復至潁

至和元年甲午三月改元公年四十八

五月服闋除舊官職赴闕六月癸巳朝京師乞郡不許七月甲戌權判流內銓會小人詐爲公奏請

汰內侍其徒怨怒以胡宗堯不當改官事中公戊

子出知同州判吏部南曹吳充爲公辯明不報知
諫院范鎮一再極言而叅知政事劉沆方提舉修
唐書亦乞留公修書八月丙午沆拜相戊申詔公
修唐書九月辛酉遷翰林學士壬戌兼史館修撰
又差勾當三班院十月乙巳朝饗景靈宮天興殿
攝侍中捧盤取水十二月庚戌臘饗孝惠孝章淑
德章懷皇后廟攝太尉行事

至和二年乙未公年四十九

三月同孫抃考試諸司寺監入吏六月己丑上書
論宰相陳執中已而乞外改翰林侍讀學士集賢
殿修撰出知蔡州侍御史趙抃知制誥劉敞上疏
留公七月戊午復領舊職八月辛丑假右諫議大
夫充賀契丹國母生辰使將持送仁宗御容會虜
主殂癸丑改充賀登位國信使十二月庚戌宿虜

界松山

嘉祐元年丙申

九月公年五十

二月甲辰使還進北使語錄閏三月丁亥判大常
寺兼禮儀事孟夏薦饗攝太尉行事五月癸未知
通進銀臺司兼門下封駁事乙未免勾當三班院
六月甲子奉勅祈晴醴泉觀八月壬戌知益州張

方平除三司使甲子詔公權發遣三司公事以俟
其至而命李淑代知銀臺司乙亥車駕詣景靈宮
朝拜天興殿充贊導禮儀使又朝謁真宗及章懿
太后神御殿攝太常卿九月辛卯大慶殿行恭謝
禮爲贊引太常卿禮成加上輕車都尉進封樂安
郡開國侯加食邑五百戶十二月被差押伴契丹
賀正旦人使御筵於都亭驛

嘉祐二年丁酉公年五十一

正月癸未權知禮部貢舉賜御書文儒二字乙巳
磨勘轉右諫議大夫三月癸卯爲狄青發哀苑中

歐文忠公年譜

十

攝太常卿六月丙寅福康公主進封充國公主七
月壬午命公攝禮部侍郎以印授冊使乙未兼判
尚書禮部九月己卯兼判秘閣秘書省十一月辛
巳權判史館丙申權知審刑院候胡宿回依舊辛
丑免十二月辛亥權判三班院癸亥權奉安明德
元德章穆三后御容於啓聖院車駕行酌獻禮充
禮儀使是月被差押伴契丹賀正旦人使御筵於
都亭驛

嘉祐三年戊戌公年五十二

正月壬午

歐文忠公年譜

神御殿攝太廟
哀差公館伴三月
不拜
試在京百司等人六月庚戌加龍圖閣學士權知
開封府

嘉祐四年己亥公年五十三

二月戊辰免開封轉給事中同提舉在京諸司庫
務是月充御試進士群定官賜御書善經二字四
月丁卯奏告今冬太廟親行祫饗之禮癸酉孟夏
薦饗並攝太尉行事丙子兼充群牧使六月甲申
刪定景祐廣樂記九月丁酉奉勅祈晴相國寺十
月壬申車駕朝饗景靈宮癸酉祫饗太廟並攝侍
中行事丁丑加護軍食實封二百戶

嘉祐五年庚子公年五十四

四月丁卯孟夏薦饗太廟攝太尉行事七月戊戌
上新修唐書二百五十卷庚子推賞轉禮部侍郎
九月丁亥兼翰林侍讀學士十月庚午下元節車
駕朝拜景靈宮天興殿朝謁真宗及章懿太后神
御殿攝侍中十一月辛丑拜樞密副使加食邑五
百戶食實封二百戶甲寅同修樞密院時政記十

二月被差押伴契丹賀正旦人使御筵於都亭驛
嘉祐六年辛丑公年五十五

三月戊申侍上幸後苑賞花華景亭釣魚涵曦亭
遂宴太清樓閏八月辛丑轉戶部侍郎參知政事
進封開國公加食邑五百戶食實封二百戶公辭
轉官許之九月庚申同修中書時政記十二月丙
戌臘享太廟攝太尉行事

嘉祐七年壬寅公年五十六

正月己酉朔大慶殿朝賀攝侍中承旨宣制三月
乙卯祈雨南郊攝太尉行事辛酉提舉三館秘閣

人歐忠公年譜

上

寫校書籍同譯經潤文四月壬午上嘉祐編勅七
月庚戌差充明堂鹵簿使九月壬申文德殿奏請
致齋攝侍中奏中嚴外辦已酉朝饗景靈宮庚戌
朝饗太廟並攝司徒辛亥大饗明堂己未進階正
奉大夫加柱國仍賜推忠佐理功臣十二月丙申
上幸龍圖天章閣召輔臣至待制三司副使以上
臺諫官皇子宗室駙馬都尉管軍觀三聖御書又
幸寶文閣親飛白書分賜群臣公得雙幅大書歲
字下有御押加以御寶王珪夾題八字云嘉祐御
札賜歐陽脩仍於綸尾書翰林學士臣王珪奉聖

旨題賜名又出御製觀書詩一首令群臣屬和遂宴群玉殿庚子再召近臣及三館臣僚赴天章閣觀三朝瑞物太宗真宗御集次赴寶文閣觀御飛白書賜公金花牋字復燕群玉殿後數日公以狀進詩謝

按兩宴皆有賜書而實錄及范蜀公東齋記事止載丙申有賜當時王政公親奉詔爲序亦不及庚子再賜而實錄及序又不及館職預召惟東齋記事言之公記陸子履家藏飛白字明言群玉殿所賜時子履任集賢校理與東齋記事

歐愈金鑑

十三

合但不知是日公得何字其爲金花牋則無疑然陳無已六一堂圖書詩乃云黃絹兩大字又何也韓忠獻公謝詩云鸞拂宮綃舞胡文恭公亦有謝御飛白扇子詩得非預坐者衆所賜或不同耶實錄二十三日丙申二十七日庚子而政公序乃作戊申壬子不應差誤如此殆傳寫訛耳

是月差押伴契丹賀正旦人使御筵於都亭驛

嘉祐八年癸卯公年五十七

二月乙亥奉勅充沈貴妃冊禮使不及行禮四月壬申

英宗卽位甲戌奉勅書大行皇帝哀冊謚寶甲申
單恩轉戶部侍郎進階金紫光祿大夫加食邑五
百戶食實封二百戶仍賜推忠協謀佐理功臣乙
酉奉勅篆受命寶其文曰皇帝恭膺天命之寶五
月戊辰爲皇帝祈福於南郊攝太尉行事七月戊
申押伴契丹祭吊人使御筵於都亭驛八月癸巳
奉勅篆大行皇帝謚寶其文曰神文聖武明孝皇
帝之寶十月乙酉增修太廟成命告七室十二月
庚午伴押契丹賀正旦人使御筵於都亭驛

英宗治平元年甲辰公年五十八

歐文忠公年譜

十四

四月甲午奉勅祈雨社稷閏五月戊辰特轉吏部
侍郎八月辛丑奉勅祈晴太社十二月壬子差押
伴契丹賀正旦人使御筵於都亭驛

治平二年乙巳公年五十九

是春上表乞外不允四月辛丑景靈宮奉安仁宗
御容車駕行酌獻之禮攝侍中八月以大雨水再
乞避位不允九月辛酉提舉編纂太常禮書百卷
成詔名太常因革禮賜銀絹十一月庚午車駕朝
饗景靈宮辛未饗太廟壬申祀南郊攝司空行事
進階光祿大夫加上柱國食邑五百戶

治平三年丙午公年六十

三月三日賜上巳宴時初頒明天曆適值丁巳是月以言者指濮議爲邪說力求去不允七月癸酉薦饗太廟攝太尉行事十二月癸未奉勅篆皇帝尊號寶其文曰體乾膺曆文武廣孝皇帝之寶乙巳押伴契丹賀正旦人使御筵於都亭驛

治平四年丁未公年六十一

正月丁巳神宗卽位戊辰覃恩轉尚書左丞進階特進加食邑五百戶食實封二百戶仍賜推忠協謀同德佐理功臣二月第三子棐登進士第是月

歐忠益奏譜

十五

御史彭思永蔣之奇以飛語汙公上察其誣斥之公力求去三月壬申除觀文殿學士轉刑部尚書知亳州改賜推誠保德崇仁翊戴功臣閏三月辛巳宣簽書駐泊公事陞辭乞便道過潁少留許之五月甲辰至亳六月戊申視事

神宗熙寧元年戊申公年六十二

是歲連上表乞致仕不允八月乙巳轉兵部尚書改知青州充京東東路安撫使九月丙申至青十一月丁亥郊祀恩加食邑五百戶食實封二百戶是歲築第於潁

熙寧二年己酉公年六十三

三月內侍王延慶便道傳宣撫問仍賜香藥一銀合又遞賜新校定前漢書以公嘗預刊定也冬乞壽州便私計不允

熙寧三年庚戌公年六十四

四月壬申除檢校太保宣徽南院使判太原府河東路經略安撫監牧使兼并代澤路麟府嵐石路兵馬都總管公堅辭不受七月辛卯改知蔡州九月甲寅至蔡是歲更號六一居士

熙寧四年辛亥公年六十五

歐文忠公年譜

十六

公在蔡累章告老六月甲子以觀文殿學士太子少師致仕七月歸潁八月將祀明堂詔赴闕陪位公上章乞免從之禮成賜衣帶器幣牲餼

熙寧五年壬子公年六十六

閏七月庚午公薨八月丁亥贈太子太師

熙寧七年八月謚文忠

謚議見附錄

熙寧八年九月乙酉葬開封府新鄭縣旌賢鄉

元豐三年十二月以子升朝遇大禮贈太尉

元豐八年十一月贈太師追封康國公

紹聖三年五月追封充國公

崇寧三年追封秦國公政和三年追封楚國公
皆以恩郊

歐陽文忠公全集卷一

歐陽文忠公全集卷一

十一

沈鳳鳴

